

المشكال

س ١ ٢ ٣ ٤ ٥ ٦ ٧ ٨ ٩ ١٠ ١١ ١٢ ١٣ ١٤ ١٥ ١٦ ١٧ ١٨ ١٩ ٢٠ ٢١ ٢٢ ٢٣ ٢٤ ٢٥ ٢٦ ٢٧ ٢٨ ٢٩ ٣٠ ٣١ ٣٢ ٣٣ ٣٤ ٣٥ ٣٦ ٣٧ ٣٨ ٣٩ ٤٠ ٤١ ٤٢ ٤٣ ٤٤ ٤٥ ٤٦ ٤٧ ٤٨ ٤٩ ٥٠ ٥١ ٥٢ ٥٣ ٥٤ ٥٥ ٥٦ ٥٧ ٥٨ ٥٩ ٦٠ ٦١ ٦٢ ٦٣ ٦٤ ٦٥ ٦٦ ٦٧ ٦٨ ٦٩ ٧٠ ٧١ ٧٢ ٧٣ ٧٤ ٧٥ ٧٦ ٧٧ ٧٨ ٧٩ ٨٠ ٨١ ٨٢ ٨٣ ٨٤ ٨٥ ٨٦ ٨٧ ٨٨ ٨٩ ٩٠ ٩١ ٩٢ ٩٣ ٩٤ ٩٥ ٩٦ ٩٧ ٩٨ ٩٩ ١٠٠

والله يهدي من يشاء الى صراط مستقيم
ديني ، علمي ، ادبي ، سياسي هفته لقي مجموعة اسلاميه در
اتبعون اهدكم سبيل الرشاد

صاحب ومدير مسئول : ح . اشرف اديب

عدد ٤٥ - ٢٢٧
صفر ٨ ١٣٣١
نخشبته
٣ كانون ثاني ١٣٢٨
جلد ٢ - ٩

پروگرام، اصلاح ایدیه‌ها، تربیه دینی و اخلاقیه، عرفان بناسنک، تمل طاشی اولمالی .

معلمک و مربیلک وظیفه‌لرینی درعهده ایدهرک عوامل اجتماعیه‌نک اک مهم ، اک مسئولیتلرینی یوکلہ نلر ، یالکیز «سوزجی» اولمالی ، سوبلدکلرینی کندیلری ده یامالی .

بونلر، غایت مهم مسئله‌لردر . بالخاصه پروگراملر مرکز متوجه بولوندوغی و بولونماسی لازم کان غایه ، علم و دین ، تربیه دینی و اخلاقیه ، معلملرک فضیلت عملیه‌سی مسائلی بک زیاده تعمیقه متحمل مباحثنددر ؛ بناءً علیه بو اساسلر اوزرینه «تشریح» قیلنددر بعض ملاحظات قاصرانه بسط و تمهیدینه غیرت اولونا جقدر .

مکاتیب

هندستانه اخبار مخصوصه :

هندی بولنده

۲۰

مؤثر بر قونفرانسی

بکلرده نجفده کی (مرتضوی) مکتبده ، بکن سنه وفات ایدن مجتهد مرحوم (خراسانی) قدس سره و طاب ثراه حضرتلرینک سنه دوریه وفاتی مناسبتیه بر اجتماع عقد ایدلشدی . بو مجلسک تشکیله باشلیجه مغفور مشار الیهک اک صمیمی محب دوستلرندن باد کوبه‌لی الحاج میرزا محمد رحیم حضرتلری طرفندن همت ایدلشدی . اجتماعه کوندوزین ساعت یدی آلاتورقه‌دن اونو قدر باشلامش و حضاری استقبال ایلہ مواقع مخصوصه‌لره یرلشدیرمک ایچون متعدد کیمسه‌لر تعیین اولمشیدی . کلنلره سیغاره ، چای ، شروب ، قهوه اکرام ایدیلوب هرکسک تشکرات عمیقه‌سنی جلبه سعی ایدیلور ایدی . ساعت اون راده‌لرنده مرتضوی مکتبی طبعه‌سندن برکنج افندی طرفندن مرحومک مناقب برکزیده سیله مزایای علمیه‌سنی حاکی فارسی‌البارہ منشور بر نطق اوقوندی . آتی متعاقب دیگر کوچک بر افندی ، عینی مألده بولنان بر قصیده‌ی کمال فصاحت و بلاغتله تلاوت ایدرک حضارک سامعه‌لرینی تلطف و تشنیف ایلدی . منبر خطابه چیقان اوچنچی ذات ايسه حضرت علی افندمن کرام وجهه حضرتلرینک صحن شریفده کوچوک چوچقلره قرآن مجید والفا درسلی ویرن ایرانی برذات ایدی . بوذات جدأ کوزل و شمولی بر قصیده فارسیه اوقودی . مرحومک مزایای علمیه و فقهیه‌سندن ، علم اصول و کلامده کی مهارت فوق العاده‌سندن ، طلاقت و فصاحتندن ، حضور فکرنندن ، صفوت و سلامت قلبیه‌سندن ، ساحت و شجاعتندن ، حاصلی بوتون سبجایای عموده‌سنی برر برر مدح و ستایش ایتدیکی کی ، مرحوم مشار الیهک ایرانندن نجفده یکی مواصلت ایدن مخدومی (حاجی میرزا احمد) ک قدوم و مواصلتیه ، مجلسده حاضر بولنان و بنم تام یانده اوطوران (اقا میرزا مهدی) حضرتلرینی ده بو وسیله ایلہ ثنا و تحمید ایدوب حضارک تقدیرلرینه مظهر اولدی . اورته‌لق بر آزدیندکدن صوصکره بو اجتماعک حصولنه چالیشان (بلبله) حضرتلری بالذات کرسی خطابتی تشریف ایتدی . النده طوتدینی (نوط) کاغدلرینه بک سیره‌ک و آراصره مراجعت ایدیوردی . مشارالیه کدیسنه مخصوص بر حلاوت ادا و متانت صدا ایلہ نوط طوتدینی نطقی کله کله ، جمله جمله غایت فصیح و بلیغانه الفاظ ایلہ ایراد ایدیوردی . خدا

بیلر ، بکا اوزاقدن اویله کلیوردی که آغزندن اینجو صاچیوردی . عالم مدنی‌سندن ، علوم عصریه و جدیدده دن بک اوزاق و مهجور قالان نجف کی برقصه‌ده بویله ناطق و خطیبلرک موجودیتنه بن بردرلو اینانق ایتمیوردم . زیر بوراسی استانبول ، مصر ، اوروپا بلاد متمدنه‌سی کی اولیوب ، بک نادر ، حتی اندر اولارق بویله قونفرانسلر ویریلور . بوکا نه حاجت! ده قونفرانسلر کله‌سنک معنای حقیقی‌سنی بیلمیه‌نلر بک چوقدر . هر نه قدر قونفرانسلرک عربجه‌سی (محاضره) و قونفرانسلر ویرمنکده قارشیلانی (القاء المحاضرات) ايسه‌ده ، عربجه‌سنکده نه اولدیغنی بیلمیه‌ن عوام بورالرده بک چوقدر .

حاجی مشارالیه حضرتلرینک روسیه‌لی و باد کوبه‌لی بولنسی اعتباریه ، اوروپالی اولدینی بک نظرده اکلاشیلر . بونک ایچون بر اوروپالی قدر عصر حاضرک شئونات مترقیه‌سنه واقف بولندینی کی ، علوم دینی و فقهیه‌ی ، علم کلام و اصولی سنه لرحه تحصیل ایدرک اجتهاد پایه‌سنی چوقدن احراز ایلش برذات جلیل الصفاتدر .

نجف و کربلاده مقیم اولوب نشر علوم و افاضانده بولنان اکثر مجتهدین کرامدن متعدد اجازتنامه‌لر تحصیلنه موفق اولمش والیوم کندیس بالذات نجفده اقامتله (مرتضوی) مکتبی تأسیس ایلہ مسلمان چوچقلرینک تنویر افکارینه خدمت ایتکی مقدس بروطفه نظیفه تلقی ایتشددر . مکتبک مصارف تأسیسه‌سنی کندی جیبندن تسویه ایتدیکنی عرض ایدرسهم ، بو ذاتک نه درجه صاحب ساحت برذات عالی اولدینی آکلاشیلر .

بو قدرلده اککتفا ایتیه‌رک ، نجفده برده کتابخانه و قرائتخانه اسلام تشکیله عالم اسلامده نشر اولنان مطبوعاتک جلیله بورالرده اوقوتدیرلانی تأمین ایتشددر .

مشارالیه اتحاد اسلام طرفداری اولوب ، بو اوغورده بک چوق چالیشدینی ایچون بر آراق روسلر طرفندن بک شدتله تعقیب و تضییق اولدینی کی ، مسقط رأسی اولان روسیه‌یه عودت ایتیلہ ، اورا متفدانیله‌ده مخبره ایتماسی اسبابی روسلر طرفندن استکمال ایدلشددر .

بو ذاتک پدری روسیه‌ده ثروت صاحبی اولوب ، علوم دینی تحصیل ایچون نجفده کان بو چوچغنه و قتیلہ بر مقدار اچقه تخصیص ایلشدی . حاجی میرزا محمد رحیم ایلہ مقتصدانه طاورانه‌رق ، برقاچ یوز لیرا بریکدیرمش ايسه‌ده اخیراً عثمانی و ایران انقلابات اخیره‌سی ائسانسده ، مشروطیت اوغورنده مبالغ مذکوریه صرف ایتشددر .

حاصلی مشارالیه الیوم خطه عراقیه اسلاملری آره‌سنده زهد و ورع و دیانت و تقوی ایلہ طائش عالم ، فاضل ، علوم جدیدیه - لاسیما اسلامه‌تعلق ایدن اقسام و فروعه - واقف برذاتدر . امور سیاسیه‌دن ده بی بهره ونصیب دکدر . زیر روسلرک ، اوتهدن برو مسلمانلر حقینه کی سوء نیتلرینه کرکی کی بک یقیندن واقف اولوب ، ایران ایشلرنده روسلرک اوینامش اولدقلری رولارله ، چویردکلری انترقیه‌لرک حقایقنه لایقيله مطلعدر .

حاجی حضرتلرینی سومیان و یاخود ده طوغریسی چکه‌میان بعض کیمسه‌لر ، کندیسک نجفده روسیه خفیه‌سی و روسلره ژورنال ویرمکده اولدیغنی ادعا ایدیورلر . بو ادعالرینه دلیل اولق اوزره ، روسلر علینده آچیقندن آچیه بولنان والآن روس تابعیتی محافظه ایدن حاجی مشارالیه روسیه حکومتی طرفندن هیچ برکونا تجاوز و قوعبولدیغنی - یکانه شاهد اوله‌رق - ایلری سوریلورلر . دیگرلری ده مشارالیهک تأسیسکرده‌سی اولان مرتضوی مکتبک مطلقاً روسلرک پاره‌سیله تأسیس و اداره اولندیغنی و بونی صرف کندی سیاست و پولتیقه‌لرینی ایلری کوتورمک ایچون اختیار اولندیغنی سوبیلورلر ايسه‌ده ، حقیقه بوسوزلرک حقیقتدن اصلا یری اولدینی جای تردد بیله دکدر .

چونکه بوذات ، روسلری آچیقندن آچیه تنقید ایتدکدن بشقه ، کندی مکتبده‌ده دائماً روسلرعلینده تلقینانده بولندیغنی نجه ثابتدر . بویله بر مؤسسه روسیه پولتیقه‌سنی ترویج ایدمه‌یه‌جکی جهتله روسلرده بودالاجه‌سنه هریره

وهرکسه پاره ویرمزلر . روسیه پولتیقه سی طبعیتله نجفده دال بوداق صالحش و بونک اسبابی ایسه کاغذ اوزرینه قونیه میه جق و تفصیلاتیه هرکسه سویلنه میه جک بر شکل و ماهیتده بولمقدردر . انشا الله ایلروده بو حقیقی تفصیلاتیه درسعادتده کلدیکمده اولارأس کارده بولنلرله شفاها عرض ایده جکم . بر نتیجه دسترس اولرسمه اوزمان بیلدکری افکار عمومییه عرض ایله جکم بدیدیر .

ایته مختصراً بالاده ترجمه حالی ذکر ایتدیکم ذات عالم اسلامک مجد و عظمت تاریخیه سنی ، و قتیله وقوع بولان فتوحات اسلامییه ، مسلمانلرک شهادت و جلالتلری ، عالم اسلام ممالکنی تشکیل ایدن اسکی و یکی جغرافیا بیننده کی فرق و مباینی ، عالم اسلامیتک تدبیرنه باعث اولان اسبابی ، آثار باهره لریله مسلمانلرک تعالیسنه خدمت ایدن ، فضلا ، شعراء ، حکماء ، اطباء ، منجمین ، هیئتون اسلامییه ، عالم اسلامیتده تأسس ایدن مدارس عالییه ، رصدخانه لری ، دارالعلملری ، خسته خانه لری ، حاصلی اسلامیتک عنعنات تاریخیه سنی برر برر وصف و تعداد ایدرک ، تاریخک افراکلق و منتظم نقطه لرینی کندی وقوف و معلوماتیه - عادتاً برضای الکتریقی ایله - حضاره بیان و تعریف ایتش و آنلره دبدبه و دارات اسلامییه حقننده غایت مفصل بر فکر ویرمشدیر . الکصوکره خطیب منارالیه قدیم و جدید اسلامیتله مسلمانلر بیننده کی تفاوت و تباینی کوستره رک ، اسکیلرک نه قدر فعال و همت صاحبی اولدتلری ، یکیلرک ایسه صوک درجه تبیل و تنبرست بولندقلرینی ، کندی آنا و بابالرنندن الله ایتدکری علویت و شرفی محافظه ایتکسزین جهالت یوزندن ضایع ویرباد ایله کلرینی حیرت انگیز برلسان ایله موجود بولنلرله تفهیم ، و هیچ اولرسمه بوندن صوکره رخاوت و عطالت وادیلرنده ده ازیاده پویان اولمالرینی سوزشلی استرحاملرله طلب ایدرک ، ختم مقال طولایسیله دول اسلامییه ، بالخاصه دولت علیه ، عساکر اسلامییه نک مظفر اولملرینه ، خیردعالر ایتدکدن صوکره موقع خطابتدن ایشمدر .

حاجی حضرتلری ؛ کندی آتشین نطقیه حضار اوزرینه بویوک بر تاثیر اجرا ایتدیکنی رأی العین مشاهده ایتدم . مشار الیهک بیانات حقایق احتواسنی اصفا و استماع ایتک ایچون نجف مجتهدین کرام و علمای اعلام حضراتی اختیار زحمت ایدوب محل اجتماعه تشریف بویورمشلردی .

حاجی میرزا محمد رحیم الی یاشنه یاقین بولندینی حالده جوال بر فکره ، فعال بر دماغه مالکیتله کندی پایه سنده بولنلرله ازهر جهت تقدم ایدر ، یورغونلغک نه اولدینی بیلیم بر ذات اولدینی ده درمیان ایدرسمه مبالغه ایتش اولم . حاصلی عالم اسلامیت بوکی ذواتدن بویوک استفاده لر تأمین ایده بیلیر ظنندیم . کربلا : مخبر مخصوصکن

س . م . توفیق

قونیده شرف مصیم حلبی افندی حضرتلرینه

آجیق مکتوب

افندم

متمق بالقانلیرله ایتدیکمیز حربده یاره لئوب یاخود خسته لئوب خسته خانه لره کلن مجروح غارلرمنی حکومت و هلال احمر جمعیتی قابل اولدینی قدر خسته خانه لرنده و یاخود خسته خانه حالته صوقیلان سائر مؤسسائده قدر تداوی ایتدیلر .

معلوم عالیلری اولدینی وجهله اجنبی مملکتلرنده ده هلال احمرمن کی صایب احمر واردر . فقط صلیب احمرلرک معاونلری هلال احمرمنک معاونلری کی آزدکل ، پک چوقدر . هم اولنلرک معاونلری اولدن چالیشمش یاره لیلره خسته لره طب فملرینک اک صوک اصوللری وجهله باقمی بیلیر کیمسه لر در ، که ونلرد . همان عمومیتله ره باندر . حالبوکه بزمده برچوق طریقلمن و اوطریقلمکده بر چوق دده لری واردر . لیکن

دده افندیلرمن آرم سنده یاره لیلره و خسته لره طب فنی دآرم سنده باقه جق مع التأسف همان هیچ بر کیمسه یوقدر .

کوکل ذات عالیکنزک مملکتهمزده کی دده افندیلر آرم سندن طب فننک خسته لره و یاره لیلره باقمی قسمی اوکره نمکه هوسلی اولانلرکدن برطابور تشکیل ایدلمه سنه همت بیورمه کزی ، یاخود تکمیل دده افندیلری بویله مهم ، الزم و انسانیتیه خادم برایشه تشویق بیورمه کزی کورمک ایتدیلر .

باقی احتراماتک قبولی افندم . ع . فرید

دوره معدومده آلمر یغمز تلفرافدر :

درسعادتده سبیل الرشاد جریده اسلامییه سی واسطه سیله

صدراعظم کامل ، خارجیه ناظری نورادونکیان پاشا لرحضراتنه

اوراق حوادثده کوریلن ارمنی عناصرینک وحدت عثمانیه دن افرازی تمی بالمحالد . یوزلرجه سنه لردنبرو آبا واجدادلرینک قانلریله یوغورلمش کوردستانک عشائر و قبائلی بر منفعت اوغورنده افذا ایتکده تمی بالمحالد . بوقطعه محروسه ده قرداشجه سنه کچنمکده اولان عناصر مختلفه نی کوز کوره بری برینه دشمن ایتدیرمک و بو خلیا اوزرینه بونجه ابنای بشرک مستقبلرینی دخی اخلاص ایلک منافی سیاست ومدنیتدر . بناء علیه آراده کی برطاقم بدینانه روایاتک رد و تکذبی عموم اهای نامنه کال تهالکله منتظر در فرمان ۱ کانون نانی ۳۲۸

بلدیهریسی نقیب السیدعلی مفتی خلیل دیاربکر - سعرد مبعوث اسبقی حامد عبدالرزاق

اشرافدن محمد اشرافدن رشید اشرافدن اداره اعضاسی صدق

مَطْبُوعَات

قلبه ده اسلام اسیرلری آج وچپلاق!

قلبه ده منتشر طونجه غزته سنک ۲۵ کانون اول سنه ۱۳۲۸ تاریخلی نسخه سندن عیناً :

انسانیت کله سنده یاردم معناسی مندرج بولندینی عقلا ده ، نفلاده پک قولای اثبات اولنه بیلیر . جناب حق زکاتی : ارکاک وقادینه فرض اولدینی قرآن کریمده پک چوق یرلرده بیلدیریور . امر ایدیور . اوزرمنه بورج قیلیور . عجا بونده حکمت الهی نه در ؟

الله اعلم اسلامک شرطلرندن بری اولان زکاة فقیر و غریبک ، یتیم و اسیرک ، علیل و مریضک ، آچلق وچیلاقلقدن و بناء علیه ذل و سؤالدن و حتی یأس اتخاردن و اجل قضا دن وقایه سنی تأمین ایتک ایچون اولیدر .

بویله اولنجه بوکون بحکم القدر قلبه کلن اسرای اسلامییه نک هر نه قدر اوچ درت بیک راده سنده ایسه ده آتجق بیک قدری باشند آشاغی قدر یالکنز قلبه دکل بتون بلغارستان اسلاملرینک یاردمنه محتاج اولدینی عیناً کورونمکده در . هر نه قدر بویچارملرک بعضیلرینه قلبه اسلام اولرندن برر